

Қуръони Каримнинг навбатдаги нашри сотувда



08:15 / 11.01.2020 2772

«Ҳилол» нашриётида чоп этилган Мусҳафи шарифнинг навбатдаги нашри 2020 йил 11 январь куни соат 09.00 да сотувга чиқарилади.

Ушбу мусҳафи шариф тобеъин Ҳафс ибн Сулаймон ибн Муғийра ал-Асадий ал-Кўфий Осим ибн Абун-Нажуд ал-Кўфийдан ривоят қилган, у Абу Абдурраҳмон Абдуллоҳ ибн Ҳабиб Суламийдан, у эса Усмон ибн Аффон, Алий ибн Абу Толиб, Зайд ибн Собит ва Убай ибн Каъб розияллоҳу анҳумдан, улар эса Набий соллаллоҳу алайҳи васалламдан нақл қилган қироатга мувофиқ тарзда ёзилган ва белгилари қўйилган.

Мусҳафнинг ҳарфлари рошид халифа Усмон ибн Аффон розияллоҳу анҳу Макка, Басра, Кўфа ва Шом шаҳарларига юборган ҳамда Мадина аҳлига

қолдирган ва ўзи учун олиб қолган мусхафлар, шунингдек, улардан кўчирилган нусхалардан расми хат илми (Қуръон ёзуви илми) уламоларининг ривоятлари асосида олинди. Бунда Абу Амр Доний ва Абу Довуд Сулаймон ибн Нажоҳларнинг нақллари асос қилиб олинди, фарқли ўринларда Абу Довуднинг сўзи танланди. Бинобарин, мусхафнинг ҳар ҳарфи мазкур олти усмоний мусхафга тўла мосдир.

Мусхафдаги ҳарфдан бошқа белгилар ушбу илм мутахассислари имом Танасийнинг «Ат-Тироз ғала зобтил-харроз» китоби асосида қабул қилган йўсинда олинди. Бунда Андалусия ва Мағриб уламолари қўллаган белгилар ўрнига Халил ибн Аҳмад ва у зотга эргашган Машриқ уламолари қабул қилган аломатлар танланди.

Оятлар ва уларнинг адади кўфаликлар услубида – имом Шотибийнинг «Нозиматуз-зуҳр» китоби ва оятлар хусусида ёзилган бошқа асарларда Абу Абдурраҳмон Сулабийдан, у Алий ибн Абу Толиб розияллоҳу анҳудан қилган ривоят асосида белгиланди. Унга кўра оятлар сони 6236 тадир.

30 жуз (пора), 60 ҳизб (ярим жуз) ва рубуъ (чорак ҳизб) каби қисмларнинг бошланиш ўринлари имом Сафоқусийнинг «Ғойсун-нафъ» асари, имом Шотибийнинг «Нозиматуз-зуҳр» китоби ва унинг шарҳлари, шайх Муҳаммад Мутаваллийнинг «Таҳқиқул-баён» рисоласи ҳамда Абу Ийд Ризвон Мухиллотийнинг «Иршодул-қурро вал-котибин» асари асосида кўрсатилди.

Мусхаф сўнгида илова қилинган жадвалда сураларнинг маккий ва маданийлиги ҳақидаги маълумот Абу Қосим Умар ибн Муҳаммад ибн Абдулкофийнинг китобидан ҳамда қироат ва тафсирга доир асарлардан олинди.

Вақф аломатлари ушбу мусхафни тайёрлаш гуруҳи томонидан маъноларнинг тақозосига кўра, тафсир ва вақф-ибтидо уламоларининг сўзларидан келиб чиққан қарорлар асосида қўйилди.

Сажда оятлари ва уларнинг ўринлари фикҳ ва ҳадис китоблари асосида қайд қилинди. Улардан бештасида уламолар ихтилоф қилган бўлиб, ушбу мусхафда уларга ишора қилинмаган. Бу оятлар – Ҳаж сурасидаги иккинчи сажда ояти ҳамда Сод, Нажм, Иншиқоқ ва Алақ сураларидаги сажда оятларидир.

Нархи: 35000 сўм

«Хилол» нашриёти дўконларидан ҳамда www.kitoblardunyosi.uz онлайн савдо саҳифамиздан харид қилишингиз мумкин!

Эслатма: Мусҳафи шарифнинг онлайн савдоси фақат Тошкент шаҳридан бошқа манзиллар учун.

Мусҳафи шарифнинг онлайн сотуви ҳақида

Мусҳафи шарифнинг бу сафарги онлайн савдоси ҳам фақат вилоятлар учун бўлади. Сабаби Тошкент шаҳрининг ўзида учта дўконимиз бор, вилоятларда эса озроқ. Қолаверса, Мусҳафи шариф нашрининг асосий қисми Тошкент шаҳридаги дўконларимизда сотилади. Шунинг учун вилоятдаги ўқувчиларга кўпроқ Мусҳаф етказиб беришни мақсад қилиб, онлайн харидларни фақат вилоятдаги манзиллар учун юбориладиган бўлди.

Тошкент шаҳридаги харидорлар Мусҳафи шариф сотувга чиққан куни қуйидаги манзилларимиздан харид қилишлари мумкин бўлади:

1. «Hilol» нашриёт-матбааси бош дўкони

Манзил: Сўгалли ота, 5-уй +998712162927

Иш вақти: 09.00 – 18.00

2. Чорсу филиали

Манзил: Олмазор тумани, Сағбон (Фаробий) кўчаси, 7-уй +998911348288

Иш вақти: 09.00 – 18.00

3. Кўкча филиали

Манзил: Шайхонтоҳур тумани, Маннон уйғур кўчаси, 362-уй +998977552370

Иш вақти: 09.00 – 18.00

***Islom.uz* портали таҳририяти**